



## INATSISARTUNI

Partii Inuit  
Randi Broberg

UPA 2014/17-1  
3.4.2014

**Nunat Avannarliit Killiit Siunnersuisoqatigiiffiata Savalimmiuni, Islandimi Kalaallit Nunaannilu naalakkersuisunut kaammattuutigaa nunat pineqartut akornanni pilattaasarnermut tunngasut qitiutillugit peqqinnissaqarfiit akornanni suleqatigiittoqalernissaanut suliniuteqaqqullugit. Nunat pineqartut kaammattorneqarput tamanna pissarsiviusumik iluatissartaqartillugu pilattaasarnerit assigiinngitsut eqqarsaatigalugit akunnerminni piginnaasatik iluaqutiginiaqqullugit. Islandimit iviangikkut kræfteqalersimasumik pilattaasartoq ullumikkut Savalimmiuni atorneqalereersimavoq qaammatikkaartumik Savalimmiuliartarnikkut. Nunani pingasuni peqqissutsimut naalakkersuisut kaammattorneqarput taamatut periaaseqarneq annertusaqqullugu aamma suliaasaqarfinnut allanut atuuttussanngorlugu, isumaqatigiissuteqaqqullugillu nunat tamarmik peqataanissaannik, sullissatut sullinneqartutullu.**

(Nunat Avannarliit Killiit Siunnersuisoqatigiiffianni Inatsisartut aallartitaasa siulittaasuata, Lars Emil Johansen)

Inatsisartut Suleriaasianni § 33, nr. 1 naapertorlugu Nunat Avannarliit Killiit Siunnersuisoqatigiiffiannut Inatsisartut aallartitaasa siulittaasuata aalajangiiffigisassatut siunnersuutitut saqqummiussaanut, Partii Inuit ima naattumik oqaaseqaateqassaaq.

Nunani avannarlerni suleqatigiinnerit suulluunniit nukittorsarneqarnissaannut Partii Inuit tapersersuiuarpoq. Annermik una siunnersuut eqqarsaatigalugu, pingaaruteqarluinnartutut isigaarput, piaartumillu timitalerneqartariaqartutut nalilerlutigu.

Siunertamullu tassungarpiaq tunngatillugu naalakkersuisut suliniummik aallartitserersimanagerat tapersersorluinnarparput. Tassanilu suliniutit suuneri sumullu killinneri, minnerunngitsumillu siunnerfiit suuneri soqutigalugit tusarfiginissaat qilanaaraarput.

Pingaarnepaaq pisinnaatitaaffillu anguniarneqartuartariaqartoq tassaammat inuk kinaluunniit suliaritittariaqalersimasoq, avatagiisimini toqqissisimaffigisamini suliaritissinnaanissaa.

Taamaalillutalu siunnersuut tamakkiisumik taperserlugu nalunaarutigaaarput.

